

祠祀之禮典至鉅也一邑雖小然

國家懷柔百神之意罔不備焉守土者恪其祀事宜盡其誠而綿蕞之儀犧牲品物之數及羣小祀之設當有所考索而知也作祠祀志

社稷壇

在 西二里 會典每歲春仲月上戊日祭

禮部則例 一凡直省府州縣各擇爽塏之地建社稷壇

均北向歲以春秋仲月上戊日為民祈報府州縣皆正印官

將事以各學教官糾儀生員充禮生

儀注直省祭

河內縣志

祠祀志 卷十四

一

社稷壇像陳祭品每

神位前各帛一劍二盞三邊四豆四爵二簋三其羊一豕一尊一祭日鷄初鳴承祭官以下咸朝服齊集黎明贊引禮生二人引承祭官詣盥洗所盥洗通贊禮生贊執事各司其事贊引者引承祭官至階前拜位立引班禮生二人分引陪祭官文東武西各就拜位序立乃迎

神贊引者引承祭官升壇詣香案前司香跪奉香承祭官三上香復位行三跪九叩禮陪祭各官皆隨行禮奠帛初獻爵司帛奉篚進跪奠篚司爵奉爵進獻爵奠正中皆退司祝禮生至祝案前跪承祀官暨陪祭各官皆跪司祝讀祝畢詣

神位前跪安于案叩如初退承祭官暨陪祭各官行三叩禮亞獻爵奠於左終獻爵奠於右均儀如初獻乃徹饌送神承祭官行三跪九叩禮陪祭各官皆隨行禮司祝奉祝司帛奉帛送瘞所承祭官轉立拜位西旁東面候祝帛過復位引至望瘞位望瘞贊引告禮成引退衆皆退

祭文

惟神品物資生蒸民乃粒養育之功司土是賴惟茲春秋

式陳明薦 尙饗

至聖先師廟

會典直省府州縣歲以春秋仲月上丁祭

先師於類宮會城以督撫學政將事司道府縣分獻學政

河內縣志

祠祀志
卷十四

二

巡試屬郡及道員之分駐各府者卽于其地將事以府州縣分獻餘以正印官將事佐貳分獻監理以師儒贊引執事以生員中和韶樂羽籥之舞及牲登銅簋盞邊豆尊爵之數將事之儀均如

太學丁祭禮

案典儀先祭一日樂舞設於

大成殿外階上分左右懸至日五更正獻官入廟至更衣所少憩贊引生請行禮正獻官出次盥洗贊引生導正獻官由旁階自殿左門入至拜位前北嚮立贊禮生引分獻官至階下左右序立北面典儀生贊樂舞生登歌執事官各其迺職文舞六佾進贊引生唱就位正獻官就拜位立

迺迎

神司香生奉香盤進司樂生贊奉迎

神奏昭平之章贊引生唱就上香位導正獻官詣

先師香案前立司香生進香贊引生唱上香正獻官立上柱香次三上瓣香唱復位正獻官復位唱跪拜興正獻官行三跪九叩禮奠帛行初獻禮司帛生奉篚司爵生奉爵進奏宣平之章舞羽籥之舞司帛生詣

先師位前跪獻三叩司爵生詣

先師位前立獻奠正中皆退分獻官各詣四配十二哲兩廡先賢先儒位前上香奠獻如儀司祝至祝案前跪三叩奉祝版跪案左樂暫止正獻官跪分獻官皆跪司祝讀祝

河內縣志

祠祀志
卷十四

三

畢詣

先師位前跪安於案三叩退樂作正獻官行三拜禮興行亞獻禮奏秩平之章舞同初獻司爵生詣

先師位前獻爵奠於左儀如初獻行終獻禮奏敘平之章舞同亞獻司爵生詣

先師位前獻爵奠於右儀如亞獻分獻官以次畢獻均如初樂止文德之舞退乃徹饌奏懿平之章徹饌畢送

神奏德平之章正獻官行三跪九叩禮有司奉祝次帛次饌次香送燎所正獻官轉立拜位旁西嚮候祝帛過復位樂作祝帛燎半唱禮成導正獻官由殿左門出先是正獻官至更衣所時贊禮生引

崇聖祠承祭官入祠左門盥洗畢引詣殿階下正中與贊執事生各其廼職贊引生贊就位引承祭官就拜位立廼迎

神司香奉香盤進贊引生贊就上香位引承祭官升東階由殿左門入詣

肇聖王香案前立司香跪奉香贊引生唱跪承祭官跪一叩贊上香承祭官上柱香次三上瓣香一叩興以次詣

裕聖王

詒聖王

昌聖王

啟聖王位前上香儀同唱復位引承祭官退至殿左門立

河內縣志

祠祀志

卷十四

四

贊引唱承祭官詣四配位兩廡從祀位前上香如儀復位贊引唱跪叩興承祭官行三跪九叩禮畢奠帛行初獻禮執事生各奉篚執爵進承祭官受篚拱舉奠於案司爵跪奉爵承祭官受爵拱舉奠於正中一叩興以次奠獻畢司祝至祝案前三叩奉祝版跪案左承祭官詣讀祝位跪司祝讀祝畢詣正中

神位前跪安於案三叩退承祭官行三叩禮畢仍由殿左門出復位四配兩廡奠帛獻爵各如儀復位次亞獻奠爵於左次終獻奠爵於右四配兩廡畢獻儀均與初獻同徹饌送

神承祭官行三跪九叩禮執事生奉祝次帛次饌次香送

燎所承祭官避立西旁東面俟祝帛過復位引詣望燎位
望燎引承祭官退

祭文

維

先師德隆千聖道冠百王揭日月以常行自生民所未有
屬文教昌明之會正禮和樂節之時辟雍鐘鼓咸恪薦於
馨香泮水膠庠益致嚴於邊豆茲當春秋仲祗率葵章肅展
微忱聿將祀典尙饗

孔子三代五王祭文

惟王奕葉鍾祥光開聖緒盛德之後積久彌昌凡聲教所
覃敷率循源而溯本宜肅明禮之典用申守土之忱茲屆

河內縣志

祠祀志
卷十四

五

仲春春秋聿修祀事尙饗

文昌廟

在城東北卽覃懷書院中楹修建正殿奉祀

儀注春秋仲月諏吉致祭前殿帛一牛一羊一豕一鑿一

鉶二簠二簋二邊十豆十尊一爵三鑪一鑿二和聲署設

樂後殿祭道

封三代公三案各帛一羊一豕一鉶二簠簋各二邊豆各

八尊一爵三鑪一鑿二祭日前後殿主祭官咸朝服詣廟

贊引太常贊禮生各二人引由殿左門入詣前後殿各升

階至殿門外就拜位前北面立典儀生贊執事官各共迺

職贊引生贊就位主祭官就拜位迺迎

神司香生奉香盤進贊引生贊就上香位引主祭官自殿左門入詣香案前贊上香司香生跪奉香主祭官上柱香次三上瓣香贊復位引主祭官復位贊跪叩興主祭官行三跪九叩禮後殿贊引生引後殿主祭官詣三案上香行二跪六叩禮奠帛初獻爵司帛生奉篚司爵生奉爵進至神位前司帛生跪奠帛三叩司爵生立獻爵奠正中皆退司祝至祝案前跪三叩奉祝版跪案左主祭官跪司祝讀祝畢奉祝版詣神位前跪安于案叩如初退主祭官行三叩禮後殿執事生奠帛獻爵司祝生讀祝各如儀亞獻司爵生獻爵奠于左終獻司爵生獻爵奠於右後殿以次畢獻均如初送

河內縣志

祠祀志

卷十四

六

神主祭官行三跪九叩禮後殿主祭官行二跪六叩禮有司奉祝次帛次饌次香恭送燎所主祭官避立拜位旁東面候祝帛過復位引主祭官望燎告禮成引退後殿主祭官望燎引退如儀

祭文

惟神神功赫奕聖德昭明位分天象職司台衡朱衣赤舄耀於七星贊元開化啓秀育英普天欽仰斯文丕興今屆

仲春

秋春虔薦豆登尚饗

先農壇

禮部則例直省耕藉雍正四年議准奉天直隸各省於該地方擇地爲藉田以雍正五年爲始每歲仲春府尹督撫

及府州縣衛所等官率所屬耆老農夫行耕藉禮該督撫將設立藉田畝數報明戶部禮部存案五年議準直省各擇東郊官地潔淨豐腴者立爲藉田如無官地動支帑銀置買民田以四畝九分爲藉田每歲耕藉之日祭

先農禮畢各官咸易蟒袍補服州縣正印官秉耒佐貳執青箱播種專城衛所正印官秉耒如無屬員卽選擇耆老執青箱播種耕時用耆老一人牽牛農夫二人扶犁悉照九卿之例九推九返農夫終畝耕畢各率耆老農夫望闕行三跪九叩禮其農具用赤色牛用黑色箱用青色所盛籽種各從其土之宜卽著守

壇農夫灌溉田地地方官不時勸課將每年所收米穀及用

過彙盛數目造冊報布政使司送戶部覆實至各省耕藉日期每歲十一月

頒時憲書後交欽天監擇日出部奏請

欽定通行奉天府尹直隸各省督撫轉飭所屬同日舉行
永著爲令

祭文

惟神肇興稼穡粒我烝民頌思之德克配彼天念率育之功陳常時夏茲當東作咸服先疇淇惟九五之尊歲舉三推之典恭膺守土敢忘勞民謹奉彝章聿修祀事惟願五風十雨嘉祥恒沐於神庥庶幾九穗雙岐上瑞頻書於大有尙饗

會典直省府州縣春秋二仲及仲夏中旬三日均祀
關帝均與祭

京師

關帝廟儀同

儀注凡祀

關帝之禮歲以春秋仲月諏吉遣官祭

關帝於地安門外之西

關帝廟前殿後殿

神位均南嚮前殿帛一牛一羊一豕一鐙一劔二簠二簋

二遵十豆十尊一爵三鑪一鐙二和聲署設樂後殿祭追

河內縣志

祠祀志
卷十四

八

封三代公三案各帛一羊一豕一劔二簠簋各二遵豆各

八尊一爵三鑪一鐙二祭日前後殿主祭官咸朝服詣贊

引太常贊禮生各二人引由廟左門入分詣前後殿各升

階至殿門外就拜位前北面立典儀生贊執事官各其廼

職贊引生贊就位主祭官就拜位廼迎

神司香生奉香盤進贊引生贊就上香位引主祭官由殿

左門入詣香案前贊上香司香生跪奉香主祭官上柱香

次三上辦香贊復位引主祭官復位贊跪叩興主祭官行

三跪九叩禮後殿贊引生引後殿主祭官詣三案上香行

二跪六叩禮奠帛初獻爵司帛生奉篚司爵生奉爵進至

神位前司帛生跪奠帛三叩司爵生立獻爵奠正中皆退

司祝至祝案前跪三叩奉祝版跪案左主祭官跪司祝讀祝畢奉祝版詣

神位前跪安于案叩如初退主祭官行三叩禮後殿執事生奠帛獻爵司祝生讀祝各如儀亞獻司爵生獻爵奠于左終獻司爵生獻爵奠于右後殿以次畢獻均如送

神主祭官行三跪九叩禮後殿主祭官行二跪六叩禮有司奉祝次帛次饌次香茶送燎所主祭官避立拜位旁東面候祝帛過復位引主祭官望燎告禮成引退後殿主祭官望燎引退如儀

祭文

惟

河內縣志

祠祀志
卷十四

九

帝浩氣凌雲丹心貫日扶正統而彰信義威振九州完大節以篤忠貞名高三國神明如在徧祠宇於寰區靈應丕昭薦馨香於歷代屢徵異蹟顯佑羣生恭值良辰遵行祀典筵陳邊豆几奠牲醪尙饗

關帝先代三公祭文

惟公世澤貽庥靈源積慶德能昌後篤生神武之英善則歸親宐享奠崇之報列上公之封爵錫命優隆合三世以肇禋典章明備恭逢諏吉祇事薦馨尙饗
忠孝節義名宦鄉賢等祠

曾典及

禮部則例凡直隸府州縣

交廟左右建忠義孝弟祠以祀本地忠臣義士孝子悌弟
順孫建節孝祠以祀節孝婦女名宦祠以祀仕于其土有
功德者鄉賢祠以祀本地德行著聞之士地方官歲以春
秋致祭

[儀注]每歲春秋釋奠禮畢教諭一員公服詣祠致祭是日
清晨廟戶啟祠門拂拭神案執事者陳羊一豕一豕一豕一豕
四鑪一鐙二陳祝文于案左陳壺一爵三帛一香盤一於
案右引贊二人引主祭官入詣案前北面立禮生自右奉
香盤主祭官三上香訖引贊贊跪叩興主祭官三叩興禮
生自右授帛主祭官受帛拱舉仍授禮生獻於案上禮生
酌酒實爵自右跪授爵主祭官受爵拱舉仍授禮生與獻

河內縣志

祠祀志

卷十四

十

於正中讀祝者奉祝文跪案左引贊贊跪主祭官跪讀祝
畢以祝文復於案退主祭官俯伏興執事者酌酒獻於左
又酌酒獻於右退引贊贊跪叩興主祭官三叩興執事者
以祝帛送燎引贊引主祭官出執事者退

忠義孝弟祠祭文

惟靈稟賦貞純躬行篤實忠誠奮發貫金石而不渝義問
宣昭表鄉閭而其式祇事懋藝倫之大性摯蒿莪克恭念
天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳簋盥來格几
筵尚饗

節孝祠祭文

惟靈純心皎潔令德柔嘉矢志完貞全閨中之亮前竭誠
致敬彰壺內之芳型茹冰蘖而彌堅清操自勵奉盤匱而
匪懈篤孝傳徽

河內縣忠義孝弟祠內祀元集賢侍講學士閔本明校尉
王萱游擊黃士英守備衛正印游擊越效忠縣民邵天德
士兵趙湛監兵中軍張鵬神懷慶衛千戶李守藩廬江王
朱載堙霍邱縣訓導何炳若禮部主事楊之璋

國朝孟縣教諭張爾見袁州推官丁運昌 漢孝子郭巨
丁蘭唐太子中舍人王友貞元馬英楊一侯榮丁用郭天
一明孝子王履歲貢生張孝邑庠生黃應選

國朝恩貢生蕭永嗣翰林院編修王錫璋

河內縣志

祠祀志 卷十四

士

河內縣名宦祠內祀前懷慶府知府歷升戶部右侍郎崔
徵璧直隸山東河南總督兵部尚書兼都察院右副都御
史李廕祖兵部右侍郎經畧遼東贈兵部尚書前河內縣
知縣袁應泰河南巡撫前河內縣知縣王漢河內縣知縣
丁泰運河南巡撫李公輝祖河南巡撫太子太保兵部尚
書吳公景道河北道右叅政申公朝紀懷慶府知府鮑公
復昌河南巡撫尹公會一河內縣知縣沈公光榮
河內縣鄉賢祠內祀漢司徒蔡茂南陽太守藥崧魏常侍
王象唐禮部尚書溫造檢校工部郎中李商隱宋龍圖直
學士張旨元懷孟總管通議大夫許文簡公師可中書叅
知政事許文穆公師敬翰林侍讀學士呂文穆公域明暉

縣知縣王翮南京右都御史何文定公瑄巡按御史周道廣宗縣知縣婁樞山西兵備道劉涇四川按察司副使郝維彰德教授簡重厚右通政使何永慶靈石縣教諭王瀛鹽運使蕭守身四川叅政楊初東輝縣教諭李從諒順德府教授蕭守美鞏昌府推官劬之任刑部主事顧師魯山西布政使王所用

國朝虞城縣訓導劉天池桂林府推官楊挺生淮海道李政修南瑞道史應選西寧叅議沈嘉顯陝西潼關道叅議史應聘五臺知縣蔡魁春鞏昌府同知陳來朝廣西巡按御史范安山西布政使叅議范印心汝寧府教授鄒楷汾州府推官竇可權分巡關西道范發愚工部左侍郎楊運

河內縣志

祠祀志

卷十四

三

昌吏部員外郎任倫備刑部郎中蕭家芝

案河內忠義鄉賢諸祠自乾隆二十六年大水入城多有傾圮其應祀木主或存或亾未經補修奉祀茲特稽考故事採輯遺聞脩載于此其無可考者則闕之若列女祠之木主全廢亦無從補載矣

厲壇

會典直省府州縣歲清明節七月望十月朔日祭厲壇於城北郊前期守土官飭所司具香燭公服詣城隍廟以祭厲告本境城隍之神黎明禮生奉請城隍神位入壇引守土官公服詣神位前跪奠如儀退禮生仍奉城隍神位還廟各退

東壇八蜡之神

春上秋上戊日祭乾隆三年以劉猛將軍配享

寇公祠

包公祠

丁郭二孝子祠

韓文公祠

程夫子祠

許文正公祠

何文定公祠

以上俱二八月祭

府城隍廟

河內縣志

祠祀志
卷十四

正月初四日祭

縣城隍廟

正月十二日祭

火神廟

正月初八日六月二十三日兩祭

縣衙土地祠

二月初二日祭

獄神祠

三月初八日祭

天上帝廟

三月初三日祭

三月初三日祭

濟濱行宮

三月十八日祭

東嶽廟

三月二十八日祭

湯帝廟

四月初六日祭

衙神廟

四月初九日祭

天師廟

河內縣志

祠祀志
卷十四

五月十八日祭

馬王廟

春秋上戊日祭

駁神廟

八月十六日祭

金龍四大王廟

九月十七日祭

芒神

每歲立春日祭

旗纛神

端午霜降日兩祭